



Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-04-9183-3/26
Sarajevo, 19.03.2026. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka) i člana 37. stav (1) Zakona o pravobranilaštvu („Službene novine Kantona Sarajevo“, broj: 33/08, 7/12, 44/16 i 45/21) Vlada Kantona Sarajevo, na **120.** sjednici održanoj **19.03.2026.** godine, donijela je

ZAKLJUČAK

1. Prihvata se Izvještaj o radu Pravobranilaštva Kantona Sarajevo za 2025. godinu.
2. Izvještaj iz tačke 1. ovog zaključka dostavlja se Skupštini Kantona Sarajevo na nadležno odlučivanje.
3. Ovaj zaključak stupa na snagu danom donošenja.

P R E M I J E R

Nihad Uk

Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Ministarstvo pravde i uprave Kantona Sarajevo,
6. Pravobranilaštvo Kantona Sarajevo,
7. Evidencija,
8. A r h i v a.



Broj:
Sarajevo,

Na osnovu člana 18. Ustava Kantona Sarajevo ("Službene novine Kantona Srajevo", br. 1/96,2/96, 3/96, 16/97, 14/00, 4/01, 28/04, 6/13 i 31/17) i člana 37. Zakona o pravobranilaštvu ("Službene novine Kantona Sarajevo", br. 33/08, 7/12, 44/16 i 45/21), Skupština Kantona Sarajevo na sjednici održanoj dana _____ 2026. godine, povodom razmatranja Izvještaja o radu Pravobranilaštva Kantona Sarajevo za 2025. godinu, donijela je sljedeći

ZAKLJUČAK

Usvaja se Izvještaj o radu Pravobranilaštva Kantona Sarajevo za 2025. godinu.

PREDSJEDAVAJUĆI
SKUPŠTINE KANTONA SARAJEVO
Elvedin Okerić

Broj:
Sarajevo,

O B R A Z L O Ž E N J E

I P R A V N I O S N O V

Pravni osnov za donošenje ovog Zaključka sadržan je u čl. 18. Ustava Kantona Sarajevo („Službene novine Kantona Sarajevo“, br. 1/96, 2/96, 3/96, 16/97, 14/00, 4/01, 28/04, 6/13 i 31/17), članu 37. Zakona o pravobranilaštvu („Službene novine Kantona Sarajevo broj: 33/08, 7/12, 44/16 i 45/21) i članu 120. Poslovnika Skupštine Kantona Sarajevo. Pravni osnov za izradu Izvještaja o radu Pravobranilaštva Kantona Sarajevo za 2025. godinu je član 37. stav 1. Zakona o pravobranilaštvu („Službene novine Kantona Sarajevo broj: 33/08, 7/12, 44/16 i 45/21), kojim je propisano da Pravobranilaštvo podnosi Skupštini i Vladi Kantona Sarajevo izvještaj o svom radu, kao i o uočenim pojavama i problemima u primjeni zakona i drugih propisa od značaja za ostvarivanje funkcije Pravobranilaštva. Ministarstvo pravde i uprave u skladu sa članom 37. stav 2. Zakona o pravobranilaštvu dostavlja Vladi i Skupštini Kantona mišljenje o podnesenom izvještaju, sa prijedlogom zaključaka.

I I R A Z L O Z I Z A D O N O Š E N J E

Razlozi za donošenje ovog Zaključka proizilaze iz obaveze za podnošenje Izvještaja o radu Pravobranilaštva Kantona Sarajevo sadržane u članu 37. Zakona o pravobranilaštvu.

**IZVJEŠTAJ
O RADU PRAVOBRANILAŠTVA
KANTONA SARAJEVO**

za period od 01.01.2025. do 31.12.2025. godine

Sarajevo, januar 2026. godine

SADRŽAJ:

UVOD	3
NADLEŽNOSTI PRAVOBRANILAŠTVA	3
ZASTUPANJE	3
STRUČNA POMOĆ I DAVANJE MIŠLJENJA	4
ZAKONSKI OSNOV	5
POSTUPCI PRED SUDOVIMA I POSLOVI ZASTUPANJA	5
PODACI O KRETANJU PREDMETA	6
PARNIČNI POSTUPAK "P"	7
ZNAČAJNIJE PARNICE U 2025. GODINI	9
Značajnije parnice iz oblasti radno-pravnih sporova	9
Značajnije parnice iz oblasti obligaciono-pravnih sporova – naknada štete.....	11
Predmeti u kojim Kanton Sarajevo potražuje isplatu duga na ime koncesione naknade za eksploataciju	13
Značajniji postupci iz oblasti imovinsko-pravnih odnosa	14
VANPARNIČNI POSTUPAK.....	15
IZVRŠNI POSTUPAK	16
IZVRŠNI POSTUPAK ZA NAPLATU SUDSKE TAKSE	16
PRINUDNA NAPLATA SUDSKE TAKSE	16
NAPLATA TROŠKOVA PARNIČNOG I IZVRŠNOG POSTUPKA U 2025.GODINI.....	18
PRAVNA MIŠLJENJA	19
STAMBENI PREDMETI	20
PREDMETI U PRIPREMI	20
IZVJEŠTAJ O JAVNIM NABAVKAMA.....	21
SISTEMATIZACIJA RADNIH MJESTA	23
OCJENA STANJA I POSTIGNUTI REZULTATI	24
SARADNJA PRAVOBRANILAŠTVA SA ORGANIMA KOJE ZASTUPA	25
PROGRAMSKA ORJENTACIJA ZA NAREDNI PERIOD.....	26

Shodno članu 37. Zakona o pravobranilaštvu ("Službene novine Kantona Sarajevo", broj 33/08, 7/12, 44/16 i 45/21), Pravobranilaštvo Kantona Sarajevo podnosi Skupštini i Vladi Kantona Sarajevo:

IZVJEŠTAJ O RADU PRAVOBRANILAŠTVA KANTONA SARAJEVO za period od 01.01.2025. do 31.12.2025.godine

UVOD

Shodno Zakonu o Pravobranilaštvu ("Sl.Novine Kantona Sarajevo" br. 33/08, 7/12, 44/16 i 45/21), Pravobranilaštvo Kantona Sarajevo (u daljem tekstu: Pravobranilaštvo) je državno tijelo koje preduzima mjere i pravna sredstva radi pravne zaštite imovine i imovinskih interesa Kantona Sarajevo i njegovih organa, kantonalnih organa uprave, kantonalnih upravnih organizacija, stručnih službi i drugih institucija čiji je osnivač Kanton Sarajevo kao i da preduzima mjere i pravna sredstva radi pravne zaštite imovine i imovinskih interesa Općine Ilijaš.

Sjedište Pravobranilaštva Kantona Sarajevo je u Sarajevu, na adresi Branilaca Sarajeva 21/1.

NADLEŽNOSTI PRAVOBRANILAŠTVA

ZASTUPANJE

Pravobranilaštvo preduzima pravne radnje, radi zaštite imovine i imovinskih interesa Kantona, pred sudovima i drugim nadležnim organima, kao i u drugim slučajevima zaštite imovine i imovinskih interesa Kantona, kada je na to ovlašteno zakonom.

U preduzimanju navedenih pravnih radnji, kao i u drugim slučajevima kada je na to ovlašteno zakonom, Pravobranilaštvo ima položaj i prava stranke u postupku, te je ovlašteno da preduzima sve radnje koje preduzima stranka u postupku.

Pravobranilaštvo vrši poslove pravne zaštite imovine i imovinskih interesa Kantona i njegovih organa, kantonalnih organa uprave, kantonalnih upravnih organizacija i stručnih službi i drugih institucija čiji je osnivač Kanton.

Izuzetno, Pravobranilaštvo vrši poslove pravne zaštite imovine i imovinskih interesa javnih preduzeća, javnih ustanova i drugih pravnih lica čiji je osnivač, odnosno suosnivač Kanton, a po zahtjevu osnivača, odnosno suosnivača.

Ako Vlada Kantona drugačije ne odluči, Pravobranilaštvo, pored vršenja poslova određenih zakonom, zastupa Kanton u postupcima pravne zaštite imovine i imovinskih interesa Kantona pred stranim sudovima, arbitražama i drugim stranim državnim organima i organizacijama.

Također, Pravobranilaštvo Kantona Sarajevo može zastupati navedene organe koji su tuženi u upravnom sporu, ako ga isti na to ovlaste.

STRUČNA POMOĆ I DAVANJE MIŠLJENJA

Pravobranilaštvo pruža stručnu pomoć organima, fondovima, preduzećima i drugim pravnim licima čiji je osnivač Kanton u rješavanju imovinsko-pravnih pitanja i daje mišljenje u vezi sa zaključivanjem ugovora imovinsko-pravne prirode.

Navedeni organi i pravna lica dužni su pribaviti pravno mišljenje Pravobranilaštva prije zaključenja ugovora o kupoprodaji, zamjeni, zakupu, prenosu na privremeno ili trajno korištenje stvari uz naknadu ili bez naknade, ugovora o koncesiji, ugovora o građenju i udruživanju sredstava za građenje, ugovora o statusnim i ugovornim oblicima povezivanja preduzeća, kao i drugih ugovora kojima se pribavljaju stvari ili raspolaže stvarima, odnosno materijalnim pravima, te ukoliko je predmet pravnog posla pokretna stvar ili imovinsko pravo čija vrijednost prelazi 10.000 KM na dan utvrđivanja vrijednosti.

Pored toga, Pravobranilaštvo daje Skupštini Kantona i organima Kantona, na njihov zahtjev, pravno mišljenje o imovinsko-pravnim ugovorima koje namjeravaju da zaključe sa stranim pravnim i fizičkim licima, kao i o drugim imovinsko-pravnim odnosima sa tim licima.

U postupku donošenja općih akata, kojima se uređuju imovinsko-pravni odnosi, prava i obaveze prema stvarima i vlasništvu Kantona, obavezno se pribavlja mišljenje pravobranioca.

Pravobranilaštvo Kantona Sarajevo je na osnovu člana 30. stav 2. Zakona o sudskim taksama Kantona Sarajevo ("Sl. novine Kantona Sarajevo", br. 36/2014, 23/2016 i 28/2025) ovlašteno za prinudnu naplatu neplaćene sudske takse, te na osnovu dostavljenog rješenja suda i obavještenja o neplaćenju taksi pokreće pred nadležnim sudom izvršni postupak.

Visina taksi se kreće od minimalnih iznosa od 10,00 KM pa do 10.000,00 KM i više. Riječ je o velikom broju predmeta koje ovo Pravobranilaštvo svakodnevno zaprima od Općinskog suda u Sarajevu. Složenost istih se posebno ogleda u tome da su nerjetko takseni obveznici strani ili državljani BiH sa prebivalištem u inostranstvu, što iziskuje znatno više vremena na pronalaženju i identifikaciji istih, zatim utvrđivanju osnova njihovih primanja a sve u cilju naplate sudske takse. Također važno je spomenuti i nemogućnost naplate taksi od onih pravnih lica koja su u međuvremenu likvidirana ili nad kojima je pokrenut stečajni postupak, kao i fizičkih lica koja ne ostvaruju prijavljene prihode. Kako je u pitanju značajna novčana suma koju ovo Pravobranilaštvo naplati u budžet Kantona, osnovano smo zatražili od Ministarstva finansija da se za ove uplate otvori posebna budžetska organizacija u cilju vođenja jasne evidencije o uplatama.

Pravobranilaštvo postupa u skladu sa utvrđenim nadležnostima propisanim Zakonom o pravobranilaštvu i drugim propisima, na temelju državnih, federalnih i kantonalnih zakona, kao i podzakonskih akata.

Osim nadležnosti i djelokruga rada Pravobranilaštva iz ovog Zakona, nadležnost Pravobranilaštva je predviđena i drugim propisima: Zakonom o građevinskom zemljištu ("Sl. novine FBiH", br. 25/2003, 16/2004 - ispr., 67/2005 i 94/2018 - odluka US), Zakonom o eksproprijaciji ("Sl. novine FBiH", br. 70/2007, 36/2010, 25/2012, 8/2015 - odluka US i 34/2016), Zakonom o sudskim taksama Kantona Sarajevo ("Sl. novine Kantona Sarajevo", br. 36/2014, 23/2016 i 28/2025), Zakonom o stvarnim pravima ("Sl. novine FBiH", br. 66/2013, 100/2013 i 32/2019 - odluka US) te drugim propisima.

POSTUPCI PRED SUDOVIMA I POSLOVI ZASTUPANJA

U okviru aktivnosti na poslovima zastupanja, Pravobranilaštvo je bilo angažovano na slijedećim poslovima:

- sačinjavanju tužbi i upućivanje istih nadležnim sudovima,
- izradi odgovora na tužbe zaprimljene protiv Kantona,
- zastupanje na ročištima,
- izrada pismenih podnesaka u toku trajanja postupka,
- ulaganju redovnih i vanrednih pravnih lijekova protiv odluka sudova,
- podnošenje apelacija pred Ustavnim sudom BiH,
- uključivanje u svojstvu umješaka u sudske sporove na strani jedne parnične stranke,
- davanju pismenog odgovora na pravne lijekove druge stranke u postupku,
- zaključivanje sudskih nagodbi, kao i pokušaj rješavanja sporova putem medijacije,
- sačinjavanju opomena pred tužbu i drugi administrativno-tehnički poslovi.

U 2025. godini u radu Pravobranilaštva evidentirano je ukupno 17296 predmeta, od kojih je 1252 parničnih predmeta (P), 4480 izvršnih predmeta (I), 10425 predmeta izvršnog postupka za sudsku taksu (It), 249 upravnih predmeta (U), 324 mišljenje (M), 44 vanparničnih predmeta (Rv), 22 upravnih sporova (Us), 358 internih spisa (Pk), 18 stambenih predmeta (Su) i 124 predmeta - priprema za parnicu (Pr).



Prema vrsti predmeta, tj. predmetu spora i postupaka shodno odredbama Pravilnika o poslovanju i vođenju evidencije u Pravobranilaštvu Kantona Sarajevo ("Sl. novine Kantona Sarajevo", broj 17/08) u kojima se Pravobranilaštvo pojavljuje kao zakonski zastupnik organa koje zastupa za period od 01.01.2025.-31.12.2025.godine, tabelarni pregled izgleda kako slijedi:

Vrsta Predmeta	Prenešeno iz ranijih godina	Primljeno u 2025.g	Ukupno u radu 2025.g	Riješeno u 2025.g	U radu sud-a ili organ-a uprave	Postotak rješenosti
"p" (parnični)	1106	146	1252	188	1064	15,01 %
"p" (izvršni)	4368	112	4480	201	4279	4.48 %
"IF" (izvršni postupak za sudsku taksu)	4222	6203	10425	3767	6658	36,13%
"R" (izvršni postupak)	39	5	44	9	35	20,45%
"P" (izvršni postupak)	30	294	324	233	91	71,91 %
"P" (izvršni postupak)	96	28	124	26	98	20,96 %
"P" (izvršni postupak)	18	4	22	1	21	4,54 %
"P" (izvršni postupak)	161	88	249	42	207	16,86 %
"P" (izvršni postupak)	37	321	358	332	26	92,73 %
"P" (izvršni postupak)	6	12	18	14	4	77,77%

Napomene radi, ukupan postotak rješenosti predmeta u 2025. godini, kao što proizilazi iz prikazane tabele zavisi isključivo od efikasnosti u postupanju Sud-a odnosno organa Uprave koji vodi svaki poseban predmet.

PODACI O KRETANJU PREDMETA

Pravobranilaštvo je tokom izvještajne godine imalo visok broj ulazne i izlazne pošte. Tabelarni pregled iste, omogućava nam određeni uvid u kretanje spisa po mjesecima u izvještajnom periodu, odnosno obimu poslova i zadataka koje je ovo Pravobranilaštvo obnašalo u protekloj godini, posebno ističući da Pravobranilaštvo ima određen broj sistematizovanih, a nepopunjenih radnih mjesta kao i da je jedna stručna saradnica bila na porodiljskom bolovanju, jedan zamjenik pravobranioca zbog bolesti odsustvovao više mjeseci kao i je jedna namještenica odsutna zbog trudničkog bolovanja.



PARNIČNI POSTUPAK "P"

Parnični postupci su najsloženiji sudski postupci u kojem se rješavaju sporni odnosi, u kojima se od stranaka koje učestvuju u postupku zahtijeva visok stepen znanja i angažovanja. Parnični postupak predstavlja redovan put zaštite povreda prava proisteklih iz radno pravnih odnosa, građansko pravnih odnosa subjekata prava, kao i odnosa sa javnom vlasti. Parnični postupci se pokreću tužbom. Parnične stranke u postupku su tužitelj i tuženi, te se u parnici kao treće lice ukoliko imaju pravni interes mogu pojaviti i umješaci kada isti učestvuju na strani jedne parnične stranke i žele da parnična stranka uspije u sporu. Kanton Sarajevo koji zastupa Pravobranilaštvo u sudskim postupcima učestvuje u svojstvu tužitelja, svojstvu tuženog ili u svojstvu umješaca.


Kao i u predhodnim godinama tako i u 2025. godini, Pravobranilaštvo Kantona Sarajevo se pojavljuje na strani tužitelja ili tužene u svojstvu umješaca, a sve u cilju uspjeha stranke u postupku na čijoj strani se miješa Pravobranilaštvo.

Kao što smo i u ranijim izvještajima ukazivali na probleme - parnice koje se odnose na vodozaštitnu zonu na području Općine Ilidža, isti trend je nastavljen i u 2026 godini. Podsjećanja radi, radi se o više predmeta u parnicama za određivanje visine naknade za zemljišta u vodozaštitnim zonama, u kojima se ovo pravobranilaštvo uključuje kao umješac na strani tuženog KJKP Vodovod i čije vrijednosti se kreću od 500.000,00 KM pa nadalje po jednom predmetu u zavisnosti od broja tužitelja i veličine njihovih suvlasničkih dijelova.

U ovom izvještajnom periodu bilo je ukupno u radu 1.252 parničnih predmeta, od kojih je 1.066 predmeta kao nezavršenih preneseno iz prethodnih godina. U 2025. godini je evidentirano 146 novih predmeta, a 186 predmeta je riješeno. Nesrazmjer između prenesenih predmeta iz ranijih godina i novozaprimljenih predmeta jeste posljedica dugotrajnog vođenja postupaka pred sudovima. Pod

predmetima koji su preneseni iz ranijeg perioda između ostalih su i predmeti koji su po uvažanim žalbama Pravobranilaštva ukinuti pred drugostepenim sudom i vraćeni na ponovni postupak.

Grafički prikaz "P" predmeta u 2025. godini




U 2025.godini pravosnažno je okončano 188 parnica i to: 64 sa pozitivnim ishodom, 70 parnica sa negativnim ishodom i 54 parnica okončane su na drugi način. Razlozi negativnih ishoda parnica iz radnih odnosa su identični za sve vrste potraživanja razlika plaća u prethodnom periodu. Neusklađenost propisa, tačnije smanjenja plaća suprotno imperativnim zakonskim propisima, dovela su do negativnih posljedica u vidu gubljenja parnica. Važno je istaći da su gubici uvećani za troškove sudskog postupka, nalaze vještaka u postupcima i zakonske zatezne kamate. Na naprijed navedene posljedice i negativne ishode po budžet Kantona Sarajevo, Pravobranilaštvo je ukazivalo više puta.

Postotak riješenosti (%)



■ Ostalo u radu
■ Riješeno u 2025.g.

188 okončane parnice



Po vrsti i predmetu spora, najveći broj postupaka odnosi se na predmete po osnovu:

- radni sporovi, posebni dodatak na plaću i druga potraživanja iz radno-pravnog odnosa
- sporovi obligaciono-pravne prirode radi duga iz obligacionih odnosa, po osnovu koncesija, kredita i dr
- naknada šteta- materijalne i nematerijalne zbog povreda nanesenih ujedom pasa i drugih razloga, oštećenje imovine usljed neodržavanja saobraćajnica kao i drugi vidovi odštetnih zahtjeva
- utvrđenja imovinsko-pravnih odnosa (prava vlasništva, utvrđivanje obaveza nastalih usljed neriješenih imovinsko-pravnih odnosa i sl.

ZNAČAJNIJE PARNICE U 2025. GODINI

Značajnije parnice iz oblasti radno-pravnih sporova

Smatramo da je određene radne sporove navedne u okviru ovog odjeljaka izvještaja značajno spomenuti iako vrijednost spora u novčanom smislu nije značajna. Naime, priroda određenih sporova – utvrđivanje diskriminacije koja je navodno počinjena od strane Vlade KS i predstavnika sudskih i organa uprave, te moguće posljedice u socijalnom smislu u slučaju donošenja presuda kojim bi se tužbeni zahtjevi usvojili tj. sud utvrdio da je došlo do diskriminacije, kako to tužitelji tvrde, daje poseban značaj ovim predmetima. Ono po čemu se navedeni predmeti također ističu je izuzetna obimnost predmeta, konkretno dokaznog materijala, koja iziskuje značajno vrijeme koje je utrošeno za pregled i analizu istih.

Nove tužbe namještenika uposlenih u upravnim organima i uposlenika pravosudnih institucija (namještenici, sudije i tužioci) u Kantonu Sarajevo su obilježile 2025. godinu. Kada su u pitanju predmetne tužbe navedenih uposlenika, tužbeni zahtjevi se temelje pretežno na dva osnova. Prvi osnov je potraživanje razlike plaće namještenika po osnovu posebnih uslova rada. Drugi osnov se odnosi na razliku plaća nastalih usljed pripravnosti na radu, koja je propisana Kolektivnim Ugovorom za službenike organa uprave i sudske vlasti.

Tužbeni zahtjevi tužilaca odnose se na razliku plaća ostvarenih na osnovu prekovremenih sati na ime dežura. Naime, tužioci pored redovnog radnog vremena obavljaju i obavezne 24 satne dežure zbog čega smatraju tužbene zahtjeve osnovanim.

Značajniji predmeti iz oblasti radno pravnih odnosa predstavljeni su u tabeli koja slijedi.

Red. br.	Broj pred.	TUŽITELJ	TUŽENI	TUŽBENI ZAHTJEV	VRIJEDNOST SPORA	FAZA POSTUPKA
1.				Poništenje Rješenje	500,00	Postupak prekinut
2.		A	K	Poništenje rješenja i Isplata plaće	10.500,00 KM	Pripremno ročište
3.		M	K	Poništenje rješenja	Nije označena	Sudu dostavljen odgovor na tužbu
4.		V	I	Poništenje rješenja	Nije označena	Sudu dostavljen odgovor na tužbu
5.		J	K	Poništenje rješenja	Nije označena	Sudu dostavljen odgovor na tužbu
6.		M		utvrđivanja diskriminacije i nadoknada štete	17.760,00 KM	Općinski sud u Sarajevu donio presudu kojom je

						usvojio tužbeni zahtjev
7.			K	utvrđivanja diskriminacije i isplate naknade	960.00 KM	Općinski sud u Sarajevu donio presudu kojom je usvojio tužbeni zahtjev
8.			K	Poništenje rješenja, sigurnosne smetne	1.000.00 KM	Pravomoćno odbijen tužbeni zahtjev
9.				Poništenje otkaza ugovora o radu i isplate naknade plaća	67.051,35 KM	Pravomoćno odbijen tužbeni zahtjev
10.				Utvrđenje diskriminacije u postupanju sudija Općinskog suda u Sarajevu	100.000,00 KM	Revizija tužitelja odbijena (tužbeni zahtjev u cijelosti odbijen)
11.				Razliku neisplaćenih plaća i doprinosa kao naknadu štete na ime mobinga i diskriminacije	40.000,00 KM	Nepravomoćno odbijen tužbeni zahtjev

U ovom dijelu posebno treba naglasiti da značajan broj parnica koje se odnose na radno-pravne sporove se odnose na utvrđivanje diskriminacije i naknadu štete kao što su :

Tužbeni zahtjev koji se odnosi na navodnu diskriminaciju tužiteljice-uposlenik Kantonalnog suda u Sarajevu, u oblasti obračuna i isplate plaće, zbog kontinuiranog neusaglašavanja i nekorigovanja njene plaće sa rastom prosječne plaće u Bosni i Hercegovini u periodu od 01.01.2020. do 31.12.2023. godine, za razliku od uposlenika – savjetnika i saradnika u pravosudnim institucijama BiH kod kojih je vršeno godišnje usklađivanje plaća, uz zahtjev za otklanjanje diskriminacije i naknadu materijalne štete. Pravobranilaštvo je zaprimilo više predmeta sa istim činjeničnim i pravnim osnovom gdje se kao tužitelji pojavljuju stručni saradnici Kantonalnog suda u Sarajevu.

Tužbeni zahtjevi uposlenika raznih ustanova koji osporavaju rješenja o raspoređivanju radnika. Predmeti su uglavnom vođeni bez imovinskog zahtjeva, a u svim slučajevima se traži poništavanje spornog rješenja i raspoređivanje po osnovu prijedloga nadležnih komisija, uz naknadu troškova postupka ili vraćanje na predhodnu poziciju. Pravobranilaštvo je u izvještajnom periodu zaprimilo više predmeta sa istim ili sličnim činjeničnim i pravnim osnovom.

Značajnije parnice iz oblasti obligaciono-pravnih sporova – naknada štete

Kao i svake godine i u 2025.godini, Pravobranilaštvo je od organa uprave zaprimilo zahtjeve sa pratećom dokumentacijom za pokretanje parničnih postupaka za nakandu štete nastale po različitim osnovama. S druge strane zapimali smo tužbe u kojima je Kanton tužen po istom osnovu. U tabeli ispod predstavljene su najznačajnije parnice po osnovu naknade štete koje su zaprimljene, u toku su ili su pak okončane u predstojećoj godini.

Red. br.	Broj pred.	TUŽITELJ	TUŽENI	TUŽBENI ZAHTEJEV	VRIJEDNOST SPORA	FAZA POSTUPKA
1.	F [redacted] 7 [redacted]	V [redacted] S [redacted]	1. [redacted] M [redacted] k [redacted] ir [redacted] p [redacted] g [redacted] za [redacted] 2 [redacted] “ [redacted] C [redacted] Sarajevo	Tužba radi naknade štete	12.314.79 KM	Općinski sud u Sarajevu donio presudu kojom je odbio tužbeni zahtjev.
2.	F [redacted] 2 [redacted] 3 [redacted]	I [redacted] I [redacted]	1. [redacted] m [redacted] M [redacted] po [redacted] 2. [redacted] S [redacted] po [redacted] ti [redacted] 3. [redacted] M [redacted] ko [redacted] in [redacted] po [redacted] go [redacted] za [redacted] za [redacted] Kantona Sarajevo	Tužba radi naknade štete/isplate pravične naknade	100,000.00 KM	Općinski sud u Sarajevu donio presudu kojom je odbio tužbeni zahtjev. U toku žalbeni postupak
3.	I [redacted] 2 [redacted] 3 [redacted]	[redacted]	[redacted]	Tužba radi naplate potraživanja	12.921.34 KM	Pravomoćnom odlukom djelimično je usvojen tužbeni zahtjev
4.	[redacted]	F [redacted]	I [redacted] M [redacted] u [redacted]	Tužba radi naknade štete	1.000.00 KM	Općinski sud u Sarajevu donio presudu kojom je odbio tužbeni zahtjev
5.	[redacted]	“ [redacted] I [redacted]	[redacted]	Tužba radi naknade štete	861.301,35 KM	Općinski sud u Sarajevu donio presudu kojom je odbio tužbeni zahtjev. U toku je žalbeni postupak

6.				Tužba radi raskida ugovora	861.301,35 KM	Općinski sud u Sarajevu donio presudu kojom je usvojio protivtužbeni zahtjev. U toku je žalbeni postupak
7.				Tužba radi isplate regresnog duga	41.527,59 KM	Pravomoćno odbijen tužbeni zahtjev
8.				Tužba radi naknade štete	2.165.394,00 KM	Pravomoćno odbijen tužbeni zahtjev, odbijena r Revizija Tužitelja
9.				Tužba radi naknade štete	500.000,00 KM	Sudu dostavljen odgovor na tužbu
10.				Tužba radi naplate potraživanja	1.447.067,94 KM	Zaključena glavna rasprava
11.				Tužba radi naknade na ime faktičke eksproprijacije	400.000,00 KM	Izjavljena revizija na drugostepenu presudu
12.				Tužba radi naknade izgubljene dobiti	6.790.000,00 KM	Tužba odbijena prvostepenom presudom
13.				Tužba radi isplate duga	400.000,00 KM	Zaključena glavna rasprava
14.				Tužba radi isplate potraživanja	21.000,00 KM	Tužbeni zahtjev pravomoćno odbijen
15.				Tužba radi naknade izgubljene dobiti	1.122.232,00 KM	Predmet u fazi zakazivanja pripremnog ročišta
16.				Tužba radi isplate duga	1.447.067,94	Glavna rasprava u toku
17.				Tužba radi isplate potraživanja	21.000,00 KM	U toku žalbeni postupak
18.				Naknada štete	46.692,31 KM	Pravomoćnom odlukom odbijen tužbeni zahtjev u cijelosti

Značajno je istaći predmet po tužbi (.....) protiv I....., u kojem tužitelj predlaže da Sud donese presudu kojom će obavezati Kanton Sarajevo da tužitelju platiti iznos od 1.447.067,94 KM sa zakonskim zateznim kamatama zbog odbijanja Vlade Kantona Sarajevo da tužitelju nadoknadi razliku između niže odnosno subvencionirane cijene po kojoj je tužitelj pružao usluge određenim kategorijama korisnika, a koje je svojim aktima odredila Vlada i stvarne cijene koštanja pruženih usluga. Zaključena je glavna rasprava i čeka se donošenje presude.

Takođe, predmet po tužbi I. i II. tužitelja protiv tuženice iz Sarajeva kojom tužbom tužitelji predlažu da Sud donese presudu kojom će obavezati tužene I. i II. da tužiteljima na ime naknade štete u vidu izmakle dobiti isplati ukupan iznos od 6.790.000,00 KM sa pripadajućim zakonskim kamatama, zbog neprovođenja postupka ugovaranja zdravstvene zaštite sa tužiteljima. Dana 19.11.2025. godine zaprimljena presuda kojim je tužbeni zahtjev odbijen, te je tužitelju naloženo da izvrši isplatu iznosa od 58.416,00 KM na ime troškova parničnog postupka. Četiri tužitelja su odustala od ulaganja žalbe i platili su iznos od cca 35.000,00 KM troškova parničnog postupka, dok je jedino tužitelj I. odlučio da uloži žalbu na predmetnu presudu, te nije uplatio troškove parničnog postupka.

Predmeti u kojim Kanton Sarajevo potražuje isplatu duga na ime koncesione naknade za eksploataciju

Pravobranilaštvo Kantona Sarajevo pred Općinskim i Kantonalnim sudom u Sarajevu vodi parnice u vezi sa potraživanjima na ime eksploatacije građevinskog kamena i eksploatacije vode.

U većini predmeta ove vrste pravni osnov za utuženje je bila Odluka o naknadi za eksploataciju vode na području Kantona Sarajevo (Sl.novine Kantona broj 29/12), koja je početkom 2018. godine stavljena van snage. Riječ je, dakle, o koncesionarima sa kojima Koncesor nije imao zaključen ugovor.

Podsjećanja radi, prema definiciji koncesija predstavlja davanje prava na korištenje prirodnih bogatstava, dobara u općoj upotrebi ili obavljanje djelatnosti od općeg interesa, koje nadležni kantonalni organi (koncesor) dodjeljuje na određeno vrijeme, uz plaćanje koncesione naknade, domaćem ili stranom pravnom ili fizičkom licu registrovanom za obavljanje privredne djelatnosti (koncesionar), pod uslovima propisanim Zakonom.

Red. br.	Broj pred.	TUŽITELJ	TUŽENI	TUŽBENI ZAHTEJ	VRIJEDNOST SPORA	FAZA POSTUPKA
1.	[redacted]	[redacted] vo.	[redacted]	Dug koncesija	80.538,61 KM	Pravomoćnom presudom tužbeni zahtjev je djelimično usvojen. Podnesena Apelacija
2.	5	[redacted]	[redacted]	Dug koncesija	121.406,79 KM	U toku je glavna rasprava
3.	[redacted]	[redacted]	[redacted]	Dug koncesija	102.634,16 KM	Općinski sud u Sarajevu donio presudu kojom je usvojio tužbeni zahtjev. U toku je žalbeni postupak
4.	[redacted]	[redacted]	[redacted]	Dug koncesija	22.000,00	Podnesena tužba
5.	[redacted]	[redacted]	[redacted]	Dug koncesija	148.680,26 KM	Tužbeni zahtjev odbijen. izjavljena Revizija
6.	[redacted]	[redacted]	[redacted]	Tužba radi utvrđenja ništavosti ugovora o koncesiji	51.000,00 KM	Glavna rasprava
7.	[redacted]	[redacted]	[redacted]	Naknada za eksploataciju vode	626.630,59 KM	Donesena drugostepena presuda kojom je žalba tuženog odbijena. Podnesena Apelacija
8.	[redacted]	[redacted]	[redacted]	Naknada za eksploataciju dolomita	411.039,00 KM	U toku je postupak prinudne naplate

Značajniji postupci iz oblasti imovinsko-pravnih odnosa

Među najznačajnijim postupcima iz ove oblasti smatramo da su utvrđivanja prava vlasništva, bilo da se Kanton Sarajevo nalazi na strani tužitelja ili na suprotnoj strani.

Riječ je dakle o postupcima u kojima se zasigurno provodi najveći broj dokaza, postupci koji imaju gotovo uvijek velike vrijednosti pa im se iz tih razloga posvećuje najviše vremena, energije i znanja. U slijedećoj tabeli prikazani su najznačajniji postupci iz ove oblasti.

Red br.	Broj pred.	TUŽITELJ	TUŽENI	TUŽBENI ZAHTEJEV	VRIJEDNOST SPORA	FAZA POSTUPKA
1.				Utvrđenje ništavosti ugovora o prodaji nekretnina	2.500.000,00 KM	Zaključena glavna rasprava u ponovnom postupku
2.				Priznanje prava vlasništva dosjelošću	10.100,00 KM	Općinski sud u Sarajevu donio presudu kojom je odbio tužbeni zahtjev. U toku žalbeni postupak
3.				Utvrđivanje prava vlasništva	1.000,00 KM	Pravomoćno odbijen tužbeni zahtjev

Također, značajan je angažman ovog Pravobranilaštva po zahtjevu JU O.Š."malta" u rješavanju imovinsko-pravnih odnosa na nekretninama koje su u posjedu I koje koristi škola, a koje je bilo preduslov za planiranu nadogradnju školskog objekta. Nakon rješavanja imovinsko pravnih odnosa I nadogradnje školskog objekta pristupa se uplanjenju I konačnom rješavanju pitanja uplanjenja I knjiženja cjelokupnom objekta Osnovna škola "Malta".

VANPARNIČNI POSTUPAK

U 2025 godini ukupno u radu ovog Pravobranilaštva bila su 39 vanparničnih predmeta. Dosadašnja praksa suda je bila da u vanparničnim postupcima Direkcija za puteve se zastupa samostalno. Promjenjenom odlukom Kantonalnog suda, dostavljeni su svi spisi ovom organu kao zakonskom zastupniku za zastupanje u postupcima određivanja naknade tržišne vrijednosti zemljišta koje se ekspropriše. Dakle, u postupcima određivanja naknada cijena nekretnina koje se eksproprišu za potrebe izgradnje javnih cesta ovaj organ zastupa i svojim znanjem i iskustvom pokušava osporiti tržišne cijene koje vještaci u postupcima određuju u visočijim iznosima od procjena koje su nastale u upravnim postupcima. Praksa je postala da raniji korisnici zauzetih nekretnina podnose prijedloge za sudsko odlučivanje nezadovoljni ponuđenim iznosom i na taj način pokušavaju uz pomoć vještačenja postići maksimalan iznos cijene svojih nekretnina.

IZVRŠNI POSTUPAK

U 2025. godini u radu je evidentirano 4480 izvršnih predmeta, od kojih je u 2025. godini zaprimljeno 112, a prenesno je iz ranijih godina 4368 predmeta. Od ukupnog broja predmeta u 2025. godini okončano je 201, a u radu je ostalo 4279 predmeta, sve kao u slijedećem tabelarnom pregledu.

Vrsta Predmeta	Preneseno iz ranijih godina	Primljeno u 2025.g.	Ukupno u radu 2025.g.	Riješeno u 2025.g.	U radu sud organ uprave	Postotak riješenosti
"I" (izvršni)	4368	112	4480	201	4279	4,48 %

U izvršnim postupcima Kanton Sarajevo se pojavljuje kao izvršenik ili kao tražilac izvršenja. U izvršnim postupcima u kojima se Kanton Sarajevo pojavljuje kao izvršenik, tražioci izvršenja su tužitelji u predmetima u kojima je pravomoćnim presudama obavezan Kanton Sarajevo na isplatu određenog novčanog iznosa (u većini slučajeva radi se o predmetima iz radnih odnosa) i kojima se na osnovu pravomoćnih i izvršnih presuda predlaže prinudna naplata.

Pravobranilaštvo je u svim predmetima u kojima je donesena pravomoćna i izvršna presuda u korist Kantona Sarajevo i kojima su tuženi obavezani da Kantonu Sarajevo isplate određene novčane iznose, pokrenulo izvršne postupke radi prinudnog namirenja.

U ovom dijelu bitno je spomenuti da je konačno, nakon 10 godina stečajni postupak protiv dužnika je okončan I da je **uplaćen iznos od 421.000,00 KM što iznosi 50% od ukupno priznatih potraživanja Kantona Sarajevo.**

Takođe, potrebno je ukazati na naplatu kroz tri izvršna postupka ukupnog iznosa od 1.724.647,54 KM od čega u predmetu I iznos od 908.523,95 KM, u predmetu I

653.948,63 KM, te u predmetu 162.174,96 KM, a što je rezultat višegodišnjeg predanog rada kroz parnične postupke protiv dužnika

I koji su prethodili pokretanju izvršnih postupaka koji su doveli do naplate potraživanja.

IZVRŠNI POSTUPAK ZA NAPLATU SUDSKE TAKSE

PRINUDNA NAPLATA SUDSKE TAKSE

Kao što je i u uvodu navedeno Pravobranilaštvo Kantona Sarajevo je na osnovu člana 30. stav 2. Zakona o sudskim taksama Kantona Sarajevo ("Sl. novine Kantona Sarajevo", br. 36/2014, 23/2016 i 28/2025) ovlašteno za prinudnu naplatu neplaćene sudske takse, te na osnovu dostavljenog rješenja suda i obavještenja o neplaćenju taksi pokreće pred nadležnim sudom izvršni postupak. U izvještajnog


gdini je Skupština Kantona Sarajevo usvojila izmjene i dopune Zakona o sudskoj taksi koje imaju za cilj efikasniju naplatu sudskih taksi, a što će se u narednom period pratiti.

Visina taksi se kreće od minimalnih iznosa od 10,00 KM pa do 10.000,00 KM i više. Riječ je o velikom broju predmeta koje svakodnevno zaprimamo od Općinskog suda u Sarajevu. Složenost istih se posebno ogleda u tome da su nerjetko takseni obveznici strani državljani što iziskuje dodatno više vremena na pronalaženju i identifikaciji istih, zatim utvrđivanju osnova njihovih primanja, a sve u cilju naplate sudske takse. Također važno je spomenuti i nemogućnost naplate taksi od onih pravnih lica koja su u međuvremenu likvidirana ili nad kojima je pokrenut stečajni postupak, kao i fizičkih lica koja ne ostvaruju prijavljene prihode. Kako je u pitanju značajna novčana sumu koju ovo Pravobranilaštvo naplati u budžet Kantona, osnovano smo zatražili od Ministarstva finansija da se za ove uplate otvori posebna budžetska organizacija u cilju vođenja jasne evidencije o uplatama.

Ukupno u radu za 2025. godinu bilo je 10.425 predmet, iz ranijih godina je preneseno 4.222, a zaprimljeno je 6.203 novih predmeta.

U slučaju pokretanja izvršnih postupaka kako u predhodnim tako i u izvještajnoj godini, Pravobranilaštvo nailazi na prepreke koje usložnjavaju i vremenski produžavaju postupanja po istim, a koje se ogledaju u tome da se u svakom predmetu radi identifikacija dužnika, stvara potreba vršenja uvida u sudske spise, zatim pribavljanja klauzule pravomoćnosti i izvršnosti, te posebno pribavljanje informacija o posjedovanju pokretne ili nepokretne imovine, odnosno podataka o primanjima dužnika.

Vrsta Predmeta	Preneseno iz ranijih godina	Primljeno u 2025.g.	Ukupno u radu 2025.g.	Riješeno u 2025.g.	U radu sud organ uprave	Postotak riješenosti
"It" (izvršni postupak za sudsku taksu)	4.222	6.203	10.425	3.767	6.658	36,13%




Iz navedene evidencije, vidljivo je da je vršena uplata predmetnih novčanih sredstava na račun Kantona Sarajevo, a vrijednost koja je uplaćena na ime sudske takse za 2025. godinu iznosi 834.780,43 KM do sada je zajedno sa naplaćenim troškovima u predmetima naplate sudskih taksi u iznosu od 62.357,00 KM značajna sa tendencijom rasta prihoda po tom osnovu.

NAPLATA TROŠKOVA PARNIČNOG I IZVRŠNOG POSTUPKA U 2025.GODINI

Zahvaljujući olakšanoj komunikaciji sa Ministarstvom finansija KS u smislu da na mjesečnom nivou elektronskim putem zaprimamo podatke o naplaćenim troškovima postupaka olakšan je pregled i kontrola naplaćenih troškova pojedinačnih postupaka. Prema tim podacima naplaćeni sudski troškovi za 2025.godinu iznose 268.287,32 KM, što je u odnosu na prethodni period značajno povećanje naplate. S tim u vezi potrebno je ponovo ukazati na značaj izmjena ZPP-a kojim su navedni troškovi pripali Pravobranilaštvu kao zakonskom zastupniku Kantona Sarajevo koji na ovaj način naplaćuju sredstva u budžet Kantona, što ukazuje i ukupan prihod budžeta od naplate sudskih troškova od dana sutapanja na snagu navedenih izmjena Zaskona u iznosu od 828.100,69 KM.

Pored toga što se iznos iz godine u godinu povećava i predstavlja pozitivnu stavku u našem radu, dobra strana navednog je i u činjenici da se Pravobranilaštvo ne zatrpava neosnovanim tužbenim zahtjevima.

Ostvarujući ovako zapažene finasijske rezultate smatramo da posebna stavka „naplata troškova“ zasluuže pažnju, te je zbog navedenog razloga detaljno izvještajem o radu i opisujemo. Iznos na ime naknade troškova za jednu godinu u visini od 268.287,32 KM, pored sudskih taksi (naplaćeni iznos od 834.780,43 KM) nije zanemariv kada se uzme u obzir nadležnost i funkcija Pravobranilaštva, a to je prvenstveno zaštita imovinsko pravnih interesa u postupcima zastupanja pred sudom. Sljedećim grafikonom prikazani su naplaćeni sudski troškovi iz kojeg je jasno vidljiva tendencija rasta prihoda po navedenom osnovu.



PRAVNA MIŠLJENJA

Shodno članu 15. Stav 2. Zakona o pravobranilaštvu, organi i organizacije Kantona Sarajevo, čije interese zastupa ovo Pravobranilaštvo, dužni su pribaviti pravno mišljenje Pravobranilaštva, prije zaključenja ugovora o kupoprodaji, zamjeni, zakupu, prenosu na privremeno ili trajno korištenje i raspolaganje stvari uz naknadu ili bez naknade, ugovora o koncesiji, ugovora o građenju, kao i drugih ugovora kojima se pribavljaju stvari ili se raspolaže imovinom Kantona. Pravobranilaštvo u skladu sa Uredbom o postupku i načinu pripremanja, izrade i dostavljanja propisa daje mišljenja na nacрте zakona kojima se regulišu imovinsko – pravna pitanja.

U 2025. godini Pravobranilaštvo je dalo značajan broj pravnih mišljenja što je vidljivo iz tabelarnog prikaza, ali svakako napominjemo da se radi o poslovima koji iziskuju jako puno vremena i stručnosti i čija važnost nije manja od naprijed navedenih predmeta u kojima Pravobranilaštvo vrši zastupanje. Pravobranilaštvo cijeni da adekvatno i stručno dato prethodno mišljenje na dostavljeni prijedlog ugovora imovinsko-pravne prirode u značajnoj mjeri doprinosi zaštiti imovine i imovinskopravnih interesa Kantona Sarajevo, pa samim tim ishodu eventualne parnice.

U izvještajnom periodu, kao i u prethodnim godinama, bio je značajan broj predmeta u radu Pravobranilaštva, koji se odnose na davanje mišljenja na Sporazume koji zaključuju Kantona

Sarajevo i njegovi organa sa drugim nivoima vlasti, te domaćim i međunarodnim pravnim licima, a u cilju realizacije projekata značajnih za Kanton Sarajevo kao i njegove građane.

Smatramo važnim istaći da je uloga Pravobranilaštva u pružanju pravne pomoći kao i davanju pravnog mišljenja od velikog značaja za Kanton bila na predmetu koji se tiče izgradnje MUP-ove zgrade na Pofalićima, na koji način se realizovao Zaključak Skupštine KS o rješavanju imovinsko pravnih odnosa radi izgradnje MUP-ove zgrade na navednom lokalitetu.

Tabelarni prikaz prikazuje broj datih mišljenja te postotak njihove riješenosti.

Vrsta Predmeta	Prenešeno iz ranijih godina	Primljeno u 2025.g.	Ukupno u radu 2025.g.	Riješeno u 2025.g.	U radu sud organ uprave	Postotak riješenosti
"M" (mišljenja)	30	294	324	233	91	71,91 %

STAMBENI PREDMETI

Kada je u pitanju segment djelovanja u vezi realizacije imovinskih zakona, ovaj organ je dao izuzetan doprinos u privatizaciji stambenog fonda, odnosno u realizaciji Zakona o prodaji stanova na kojima postoji stanarsko pravo tj. kroz postupanje u vezi ovlaštenja Pravobranilaštva koja su proizilazila iz člana 29. citiranog Zakona, a odnose se na kontrolu utvrđenja cijene stana u ugovoru. Naprijed smo iskazali tabelarno broj iskontrolisanih ugovora o otkupu stanova, u skladu sa Zakonom o prodaji stanova na kojima postoji stanarsko pravo ("Sl. novine F BiH", broj 29/97, sa izmjenama), te u skladu sa Zakonom o vraćanju, dodjeli i prodaji stanova ("Sl. novine F BiH", broj 25/05 i 2/08).

Vrsta Predmeta	Prenešeno iz ranijih godina	Primljeno u 2025.g.	Ukupno u radu 2025.g.	Riješeno u 2025.g.	U radu sud organ uprave	Postotak riješenosti
"Su" (stambeni)	6	12	18	14	4	77,77%

PREDMETI U PRIPREMI

Riječ je o predmetima u kojima zahtjeve za postupanje dobijamo od organa koje zastupamo u postupcima, shodno odredbama Zakona o pravobranilaštvu. Naime, u vezi sa svim vrstama pravnih pitanja, nedoumica u vezi sa pokretanjem parničnih postupaka, kao i u ostalim pravnim pitanjima o kojima se organi uprave obraćaju upitom, Pravobranilaštvo otvara predmete pripreme pred parnicu.

U tim predmetima prikupljamo potrebne informacije i dokaze, te na temelju istih procijenjujemo i odlučujemo o neophodnim koracima, odnosno da li ćemo u konkretnom slučaju pokrenuti neki od postupaka pred sudom.

Vrsta Predmeta	Prenešeno iz ranijih godina	Primljeno u 2025.g.	Ukupno u radu 2025.g.	Riješeno u 2025.g.	U radu sud-a, organ-a uprave	Postotak riješenosti
"Pr" (priprema)	96	28	124	26	98	20,96 %

IZVJEŠTAJ O JAVNIM NABAVKAMA

za period od 01.01.2025. - 31.12.2025. godine

Pravobranilaštvo Kantona Sarajevo u 2024. godini provodilo je javne nabavke u skladu sa Zakonom o javnim nabavkama (Sl, novine BiH br.39/14, 59/22 i 50/24). Tom prilikom ugovoreni organ provodio je postupke konkurentskog zahtjeva za dostavljanje ponuda i direktnog sporazuma u skladu sa članovima 87. do 90. Zakona o javnim nabavkama i Pravilnikom o postupku direktnog sporazuma Pravobranilaštva Kantona Sarajevo vodeći računa o sredstvima koja su mu odobrena u Budžetu.

Član 87. Zakona o javnim nabavkama definiše:

“(1) Postupci javne nabavke za dodjelu ugovora male vrijednosti su:

- a) konkurentski zahtjev za dostavljanje ponuda; i*
- b) direktni sporazum.*

(2) Ugovorni organ sprovodi postupak konkurentskog zahtjeva za dostavljanje ponuda u slučaju da je procijenjena vrijednost nabavke robe ili usluge manja od iznosa od 50.000,00 KM, odnosno kada je za nabavku radova procijenjena vrijednost manja od iznosa od 80.000,00 KM, pri čemu ni ukupna procijenjena vrijednost istovrsnih nabavki na godišnjem nivou nije jednaka ili veća od 50.000,00 KM za robu ili usluge, odnosno 80.000,00 KM za radove.

(3) Ugovorni organ sprovodi postupak direktnog sporazuma za nabavku robe, usluga ili radova čija je procijenjena vrijednost jednaka ili manja od iznosa od 6.000,00 KM, pri čemu ni ukupna procijenjena vrijednost istovrsnih nabavki na godišnjem nivou nije veća od 10.000,00 KM.”

Ugovorni organ provodi postupak direktnog sporazuma za nabavku robe, usluga ili radova čija je procijenjena vrijednost jednaka ili manja od iznosa od 6.000 KM bez poreza na dodanu vrijednost. Pravilnikom o postupku direktnog sporazuma je propisana procedura za provođenje postupka nabavke putem direktnog sporazuma i definisano da se direktni sporazum smatra zaključenim:

- prilaganjem računa ili druge odgovarajuće dokumentacije.

Direktni sporazum je članom 90. Zakona o javnim nabavkama definisan kao postupak u kojem ugovorni organ nakon ispitivanja tržišta traži pismeno prijedlog cijene ili ponudu od jednog ili više ponuđača i pregovara ili prihvata tu cijenu, kao uslov za konačan sporazum.

Izvršavaju su obuhvaćene aktivnosti prema predmetu nabavke, vrsti postupka, vrijednosti ugovora, izbora dobavljača za dodjelu ugovora (ekonomski najpovoljnija ponuda).

U dole prikazanoj tabeli detaljno su prikazane značajnije javne nabavke koje je u izvještajnom periodu provelo ovo Pravobranilaštvo.

IZVJEŠTAJ O REALIZACIJI JAVNIH NABAVKI					
Redni broj	Opis nabavke	Oznaka JRJN	Vrsta postupka	Vrijednost ugovora bez PDV-a	Datuma zaključenja ugovora/fakture
1.	Najam printera i usluge štampanja	79810000-5	Direktni sporazum	2.984,65	April
2.	Nabavka kancelarijskog materijala	30192000-1	Direktni sporazum	5.888,29	April
3.	Nabavka materijala za čišćenje	39830000-9	Direktni sporazum	799,35	April
4.	Osiguranje zaposlenika	66510000-8	Direktni sporazum	1.140,00	April
5.	Nabavka Dizel-a	09134220-5	Direktni sporazum	1.581,00	April
6.	Godišnja članarina za pomoć na cesti	79980000-7	Direktni sporazum	93,16	April
7.	Ugovor o ovjeri godišnjeg obračuna za 2024. godinu	79211000-6	Direktni sporazum	500,00	Februar
8.	Pretplata na online izdanje Službenih novina i Lex Paragraf	22211100-3	Direktni sporazum	751,41	April
9.	Pretplata za ZIPS i sudsku praksu	79980000-7	Direktni sporazum	751,41	April
10.	Nabavka računara	30213300-8	Direktni sporazum	3.450,00	Oktobar
11.	Seminar	79951000-5	Direktni sporazum	1.962,91	Juni,novembar
12.	Nabavka monitora	30231000-7	Direktni sporazum	675,00	Oktobar
13.	Nabavka operativnog sistema	48624000-8	Direktni sporazum	780,00	Oktobar
14.	Objava oglasa	79341000-6	Direktni sporazum	1.850,20	Maj, juni, septembar
15.	Usluga zamjene guma	34351100-3	Direktni sporazum	170,94	Juni, novembar

16.	Tehnički pregled i Registracija službenog vozila	71631200-2	Direktni sporazum	224,12	August
17.	Osiguranje vozila	66512100-3	Direktni sporazum	315,00	August
18.	Servis službenog vozila	50110000-9	Direktni sporazum	987,11	April

SISTEMATIZACIJA RADNIH MJESTA

Unutrašnja organizacija Pravobranilaštva Kantona Sarajevo uređena je Pravilnikom o unutrašnjoj organizaciji Pravobranilaštva Kantona Sarajevo broj: 53/17 od 16.06.2017. godine te dopunama Pravilnika 133/17 od 23.11.2017. godine i 112/19 od 12.04.2019. godine.

Poslovi iz djelokruga Pravobranilaštva Kantona Sarajevo vrše se u okviru sljedećih organizacionih jedinica:

1. Odjeljenje nosilaca pravobranilačke funkcije;
2. Odjeljenje za upravu, normativno administrativne, opšte, tehničke i pomoćne poslove.

1. Odjeljenje nosilaca pravobranilačke funkcije

Odjeljenje nosilaca pravobranilačke funkcije vrši poslove na osnovu Ustava BiH, Ustava FBiH, Ustava Kantona Sarajevo, zakona i drugih propisa i općih akata donijetih u skladu sa odgovarajućom zakonodavnom regulativom, u skladu sa nadležnostima iz Zakona o pravobranilaštvu (poslovi zaštite imovine i imovinskih interesa Kantona i njegovih organa, kantonalnih organa uprave, kantonalnih upravnih organizacija i stručnih službi i drugih institucija čiji je osnivač Kanton), te također vrši i druge poslove na osnovu Zakona o pravobranilaštvu.


2. Odjeljenje za upravu, normativno administrativne, opšte, tehničke i pomoćne poslove

Odjeljenje za upravu normativno administrativne, opće, tehničke i pomoćne poslove, organizuje i izvršava poslove u cilju što potpunijeg i efikasnijeg izvršavanja osnovne djelatnosti Pravobranilaštva Kantona Sarajevo, te izvršavanje ostalih prava i obaveza Pravobranilaštva Kantona Sarajevo utvrđenim odgovarajućim zakonskim propisima (izrada normativnih akata, izrada budžeta, poslovi iz radnog odnosa uposlenih), godišnji odmori, plaćeno odsustvo, poslovi pisarnice (prijem i otprema pošte) vodi upisnike, ažurira spise, arhiva predmeta, poslovi AOP (automatska obrada podataka), obrada i priprema predmeta, obračun i kontrola ugovora, finansijsko računovodstveno poslovanje, rad sa strankama i drugih poslova po naređenju Pravobranioaca koji doprinose efikasnijem radu Pravobranilaštva Kantona Sarajevo.

U skladu sa Pravilnikom o unutrašnjoj organizaciji Pravobranilaštva Kantona Sarajevo broj: 53/17 od 16.06.2017. godinete dopunama Pravilnika 133/17 od 23.11.2017. godine i 112/19 od 12.04.2019. godine, u Pravobranilaštvu Kantona Sarajevo sistematizovana su 23 radna mjesta, kao u slijedećem tabelarnom prikazu.

Sistematizovana radna mjesta	Broj mjesta
Pravobranilac	1
Zamjenici pravobranioca	7
Sekretar Pravobranilaštva	1
Šef unutrašnje organizacione jedinice	1
Stručni savjetnik	2
Stručni saradnik	1
Stručni saradnik za ekonomske poslove	1
Viši referent – tehnički sekretar	1
Viši referent za računovodstvene i druge poslove	1
Viši referent za parnične i izvršne poslove	2
Viši referent za poslove pisarne	1
Referent za dokumentaciju - arhivar	1
Viši referent - daktilograf	1
Pomoćni radnik	1
VKV - Vozač	1
Ukupan broj sistematizovanih radnih mjesta	23

Pravilnikom o unutrašnjoj organizaciji Pravobranilaštva Kantona Sarajevo, predviđeno je, dakle, jedno mjesto pravobranioca, sedam mjesta zamjenika pravobranioca, šest državnih službenika i devet namještenika.



OCJENA STANJA I POSTIGNUTI REZULTATI

Analizom rada i ostvarenih rezultata Pravobranilaštva Kantona Sarajevo u 2025. godini može se zaključiti da je, u odnosu na prethodne godine, ostvarilo izuzetno značajne rezultate. Posebno se ističu aktivnosti na poslovima zaštite imovine i imovinskih interesa Kantona Sarajevo, što se ogleda

u visokom procentu naplate potraživanja po osnovu pozitivno okončanih sudskih sporova. Navedeni rezultati predstavljaju plod predanog i odgovornog rada nosilaca pravobranilačke funkcije, kao i svih zaposlenih u Pravobranilaštvu Kantona Sarajevo.

Iz ovog izvještaja također se može utvrditi da je Pravobranilaštvo Kantona Sarajevo u izvještajnoj godini, kako kroz zastupanje pred sudovima i drugim nadležnim organima, tako i kroz davanje prethodnih pravnih mišljenja, obavljanje drugih poslova iz okvira svoje nadležnosti te pružanje pravne pomoći, i pored izraženog nesrazmjera između broja predmeta i broja nosilaca pravobranilačke funkcije, uspjelo zadržati visok nivo kvaliteta rada i ostvariti zapažene rezultate.

Smatramo da je Pravobranilaštvo Kantona Sarajevo i u izvještajnom periodu, kao i prethodnih godina, profesionalno i uspješno obavljalo poslove zaštite imovine i imovinskih interesa Kantona Sarajevo, uprkos brojnim pritiscima usmjerenim na njegov rad, te imajući u vidu činjenicu da u punom kapacitetu zastupa i štiti imovinu i imovinske interese i Općine Ilijaš.

Uprkos stalnom prilivu novih predmeta, prisustvu složenih predmeta iz ranijih godina koji zahtijevaju poseban pristup, dodatno vrijeme za analizu činjeničnog i pravnog stanja, kao i širokom dijapazonu djelovanja i kontinuiranom proširivanju nadležnosti Pravobranilaštva kroz druge propise, svi poslovi su se u izvještajnom periodu obavljali ažurno i blagovremeno. S tim u vezi, smatramo da je Pravobranilaštvo Kantona Sarajevo u potpunosti opravdalo svoju zakonom propisanu funkciju.

SARADNJA PRAVOBRANILAŠTVA SA ORGANIMA KOJE ZASTUPA

Saradnja Pravobranilaštva Kantona Sarajevo sa svim organa uprave, Javnim preduzećima i institucijama čiji osnivač je Kanton Sarajevo se poboljšala u izvještajnoj godini. Primjećujemo da su organi sa kojim surađujemo ažurniji u dostavljanju tražene dokumentacije a što je rezultiralo kvalitetnom i otvorenom saradnjom.

Ovdje smatramo bitnim naglasiti da se saradnja ne odnosi samo u postupcima zastupanja, dakle saradnja nije fokusirana samo na određene predmete u kojim se Pravobranilaštvo Kantona pojavljuje kao zakonski zastupnik Kantona Sarajevo ili njegovih organa. Saradnja se jednako tako ogleda i u održavanju velikog broja sastanaka na kojima prisustvuju predstavnici Pravobranilaštva radi davanja potrebnih pravnih savjeta, smjernica i uputa, a sve radi donošenja pravilnih zaključaka i odluka koji će biti u najboljem interesu Kantona Sarajevo.

Shodno članu 3. Zakona o pravobranilaštvu ("Sl. novine Kantona Sarajevo", br. 33/2008 - prečišćen tekst, 7/2012, 44/2016 i 45/2021) državni organi, preduzeća (društva) i druga pravna lica dužni su Pravobranilaštvu dostavljati podatke i obavještenja o ugrožavanju, narušavanju ili osporavanju prava i stvari u vlasništvu Kantona radi preduzimanja pravnih radnji i sredstava za koje je Pravobranilaštvo

ovlašteno, te na zahtjev Pravobranilaštva, dostaviti podatke, obavještenja i spise koji su mu potrebni za preduzimanje radnji za koje je ovlašteno, o čemu navedene institucije trebaju naročito voditi računa, kako bi se izbjegle situacije u kojima bi Pravobranilaštvo, ne svojom krivicom, bilo dovedeno u situaciju da eventualno ne zastupa neki od organa na adekvatan način.

Ovaj organ će u cilju zaštite imovine i imovinskih interesa Kantona Sarajevo, a naročito u sudskim postupcima, održavati dobru poslovnu saradnju sa organima Kantona Sarajevo, te težiti uspostavi još kvalitetnije odnose, a sve u cilju stručnije zaštite imovine i imovinskih interesa Kantona. Ovo naročito kada se imaju u vidu odredbe Zakona o parničnom postupku FBiH i poštivanje zakonskih rokova, koji su prekluzivni, po kojem se na pripremnom ročištu moraju istaći sve činjenice i dostaviti svi dokazi, tako da je organ koga zastupa Pravobranilaštvo, obavezan dostaviti Pravobranilaštvu izjašnjenje na činjenične navode tužbe, kao i sve dokaze koje posjeduje.

Kao svoju prednost u budućnosti ovaj organ vidi upravo u blagovremenoj, kontinuiranoj, efikasnijoj poslovnoj saradnji, a sve u zajedničkom interesu, a to je ishodovanje pozitivnih rezultata kao i zaštita imovine i imovinskih interesa Kantona Sarajevo.

PROGRAMSKA ORJENTACIJA ZA NAREDNI PERIOD

U ostvarivanju principa ustavnosti i zakonitosti i ostvarivanju funkcija i zadataka koji proizilaze iz Zakona o pravobranilaštvu, aktivnosti Pravobranilaštva će i u narednom periodu biti usmjerene na:

- poduzimanju mjera i aktivnosti radi pravne zaštite imovine i imovinskih interesa Kantona Sarajevo;
- u saradnji sa drugim organima (tužilaštvo, sud i dr.) osigurati najveći stepen pravne zaštite imovine i imovinskih interesa Kantona Sarajevo;
- afirmisanju svih vidova preventivne djelatnosti, kao što su sporazumno rješavanje spornih odnosa;
- kontinuirano praćenje pojava i problema u vezi primjene zakona u praksi, te inicirati putem nadležnih institucija izmjene istih;
- osigurati saradnju sa federalnim organima i drugim organima, sa pravobranilaštvima na svim nivoima radi ujednačavanja prakse i zauzimanja stavova po istim ili sličnim pravnim pitanjima;
- intenzivirati svoje aktivnosti na ukazivanju Skupštini i Vladi Kantona Sarajevo na uočene pojave i probleme koji ugrožavaju i narušavaju imovinu Kantona Sarajevo, a do kojih saznanja bude dolazilo kroz rad na predmetima, kao i kroz podatke i obavještenja koja dostavljaju državni organi, preduzeća i druga pravna lica, te davati prijedloge za sprječavanje istih;

- inicirati aktivnosti na ažuriranju evidencije o imovini Kantona Sarajevo u saradnji sa svim organima kojima je povjereno korištenje imovine Kantona Sarajevo;
- pokretati postupke radi upisa stvarnih prava u korist Kantona Sarajevo i pristupiti knjiženju nekretnina u zemljišnu knjigu;
- stalnoj edukaciji nosilaca pravobranilačke funkcije i drugih uposlenika putem savjetovanja, seminara, te kroz kontinuirano praćenje sudske prakse i nove zakonske regulative.

Imajući u vidu da je u izvještajnoj godini započeta implementacija informacionog sistema za upravljanje predmetima - OWIS, neophodno je u narednom periodu osigurati njegovu punu primjenu kroz adekvatnu i kontinuiranu edukaciju zaposlenih kao i prilagođavanje samog sistema potrebama Pravobranilaštva uz saradnju sa administratorima. Time će se dodatno unaprijediti efikasnost upravljanja velikim brojem predmeta po kojima Pravobranilaštvo postupa, uključujući parnične, izvršne i vanparnične postupke, kao i poslove davanja pravnih mišljenja, obračuna taksi i druge poslove iz okvira njegove nadležnosti. Provođenje navedenih aktivnosti doprinijet će daljem unapređenju rada Pravobranilaštva i efikasnijoj zaštiti imovinsko-pravnih odnosa Kantona Sarajevo.



Član 18.

Nadležnosti Skupštine

Skupština Kantona:

- a) priprema i dvotrećinskom većinom usvaja Ustav Kantona;
- b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;
- c) bira i razrješava Predsjednika i podpredsjednika Kantona sukladno Ustavu Federacije i ovom Ustavu;
- d) utvrđuje politiku i donosi programe razvoja Kantona;
- e) potvrđuje imenovanje Premijera, zamjenika Premijera i članova Vlade Kantona;
- f) osniva kantonalne i općinske sudove i utvrđuje njihove nadležnosti;
- g) bira sudije kantonalnih sudova sukladno Ustavu Federacije i ovom Ustavu;
- h) usvaja budžet Kantona i donosi zakone o oporezivanju i na drugi način osigurava potrebno finansiranje;
- i) bira zastupnike u Dom naroda Federacije sukladno Ustavu Federacije;
- j) odlučuje o prijenosu ovlaštenja Kantona na općine i Federaciju;
- k) odobrava zaključivanje ugovora i sporazuma u oblasti međunarodnih odnosa i međunarodne suradnje;
- l) provodi istragu sukladno ovom Ustavu i posebnim propisima;
- m) vrši i druge poslove utvrđene federalnim propisima, ovim Ustavom i kantonalnim propisima.

Član 19.

Način rada Skupštine

Skupština bira predsjedavajućeg i dva njegova zamjenika iz reda izabраних poslanika.

Skupština zasijeda javno, izuzev u slučajevima kada je to predviđeno njenim poslovníkom. Izvještaji o zasjedanjima i donesenim odlukama se objavljuju u sredstvima javnog informiranja.

Način rada Skupštine bliže se uređuje poslovníkom.

Član 20.

Poslanički imunitet

Krivični postupak ili građanska parnica ne mogu biti pokrenuti protiv kantonalnog poslanika, niti kantonalni poslanik može biti zadržan u pritvoru ili ka'njen na bilo koji način zbog iznesenog mišljenja i datog glasa u Skupštini.

Član 21.

Način odlučivanja u Skupštini

U vršenju svojih nadležnosti Skupština donosi zakone, druge propise, te opće i pojedinačne akte (dalje: propisi).

Član 36.

Unutrašnju organizaciju u Pravobranilaštvu utvrđuje pravobranilac, pravilnikom o unutrašnjoj organizaciji Pravobranilaštva, po prethodno pribavljenoj saglasnosti ministra pravde Kantona.

Član 37.

Pravobranilaštvo podnosi Skupštini i Vladi Kantona izvještaj o svom radu, kao i o uočenim pojavama i problemima u primjeni zakona i drugih propisa od značaja za ostvarivanje funkcije Pravobranilaštva.

Jedan primjerak izvještaja iz stava 1. ovog člana, Pravobranilaštvo dostavlja Ministarstvu pravde i uprave Kantona, koje dostavlja Vladi i Skupštini mišljenje o podne- senom izvještaju, sa prijedlogom zaključaka.

Izvještaj iz stava 1. ovog člana, sa mišljenjem Ministarstva pravde i uprave Kantona iz stava 2. ovog člana, Skupština razmatra najkasnije do 31. marta tekuće godine.

Član 38.

Pravilnik o poslovanju i vođenju evidencije u Pravobranilaštvu donosi ministar pravde Kantona.

3. Radno-pravni status pravobranioca i zamjenika pravobranioca

Član 39.

Koeficijent za utvrđivanje plaće pravobranioca i zamjenika pravobranioca utvrđuje Komisija za izbor, imenovanja i administrativna pitanja Skupštine Kantona Sarajevo (u daljnjem tekstu: Komisija).

Plaća pravobranioca i zamjenika pravobranioca utvrđuje se množenjem polazne osnove za obračun plaća, koja se primjenjuje na državne službenike u kantonalnim organima, sa koeficijentom iz stava 1. ovog člana i tako utvrđeni iznos uveća za 0,6% za svaku započetu godinu radnog staža, a najviše do 20%.

Položajni dodatak pravobraniocu i zamjeniku pravobranioca utvrđuje Komisija.

Član 40.

Za naknade koje nemaju karakter plaće i naknade troškova službenog putovanja pravobranioca i zamjenika pravobranioca, primjenjuju se propisi koji važe za državne službenike, s tim da procenat uvećanja dnevnice za službeno putovanje pravobranioca i zamjenika pravobranioca utvrđuje Komisija.

Nalog za službeno putovanje pravobraniocu izdaje predsjedavajući Komisije, a nalog za službeno putovanje zamjeniku pravobranioca izdaje pravobranilac.

Član 41.

Pravobranilac i zamjenik pravobranioca imaju pravo na korištenje godišnjeg odmora, na način i pod uvjetima propisanim za državne službenike, a kriterije za utvrđivanje trajanja godišnjeg odmora utvrđuje Komisija.

Član 42.

O pojedinačnim pravima pravobranioca iz radnog odnosa, utvrđenim ovim Zakonom i drugim aktima, odlučuje rješenjem Komisija.

Protiv rješenja iz stava 1. ovog člana, može se uložiti prigovor Komisiji.

Rješenje Komisije po prigovoru je konačno.



SLUŽBENE NOVINE
KANTONA SARAJEVO

Broj 41 – Strana 24

Petak, 21. septembra 2012.

sjednice radnog tijela, mjesečni paušal će mu se umanjiti za 10% po izostanku.

Za realizaciju stavova 2, 3. i 4. nadležna je Komisija za izbor imenovanja i administrativna pitanja.

Član 106.

Poslanik/zastupnik ima pravo i dužnost da:

- pokreće inicijative za donošenje odluka i zakona u nadležnosti Skupštine;
- da pokreće inicijative za donošenje drugih akata u nadležnosti Skupštine;
- da pokreće rasprave o pitanjima koja su u nadležnosti Skupštine; i
- da u roku predviđenom ovim poslovníkom dobije sve informacije i materijale vezane za rad Skupštine i njenih tijela.

Član 107.

Poslanik/zastupnik ima pravo na novčanu naknadu za svoj rad u Skupštini, te naknadu materijalnih troškova, u skladu sa zakonom.

Član 108.

Poslanik/zastupnik uživa imunitet za svoj rad u Skupštini, u skladu sa odredbama Zakona o imunitetu Federacije Bosne i Hercegovine.

Član 109.

Poslaniku/zastupniku prestaje mandat na način propisan Izbornim zakonom BiH.

V - JAVNOST RADA SKUPŠTINE

Član 110.

Rad Skupštine je javan.

Skupština obezbjeđuje javnost rada blagovremenim, potpunim i objektivnim informisanjem javnosti o svom radu.

Član 111.

Skupština obezbjeđuje svim sredstvima javnog informisanja, pod jednakim uslovima, pristup informacijama kojima raspolaže, omogućava pristup skupštinskim materijalima, izdaje službena saopštenja i organizuje konferencije za štampu.

Pristup informacijama iz prethodnog stava može biti uskraćen samo ako one predstavljaju državnu, vojnu, službenu ili poslovnu tajnu na način propisan zakonom ili drugim propisima donesenim na osnovu zakona.

Član 112.

Gradanima i predstavnicima sredstava javnog informisanja omogućava se slobodan pristup sjednicama Skupštine u za njih posebno rezervisanom prostoru, kako to utvrdi Kolegij i u skladu sa prostornim mogućnostima.

Član 113.

Sjednica ili dio sjednice na kojoj se razmatraju pitanja regulisana stavom 2. člana 111. biće održana bez prisustva sredstava javnog informisanja i zatvorena za javnost.

U slučaju iz prethodnog stava, predsjedavajući je dužan javnosti obrazložiti razloge zatvaranja sjednice Skupštine.

Član 114.

Sjednice komisija Skupštine u pravilu su otvorene za javnost.

Izuzetno, sjednice ili dijelovi sjednica komisija mogu biti zatvoreni za javnost ako se odnose na razmatranje pitanja ili saslušanja vezana za rad predstavnika organa vlasti, stručnjaka ili poslanika/zastupnika posebnih socijalnih interesa.

U slučaju iz stava 1. ovog člana, predstavnicima sredstava javnog informisanja i građanima biće omogućeno prisustvovanje u skladu sa prostornim mogućnostima.

Član 115.

Gost na sjednicama Skupštine ima pravo da:

- učestvuje u radu Skupštine i u raspravi pred Skupštinom prema odobrenju Kolegija;
- iznosi ekspertsko mišljenje na osnovu odobrenja Kolegija;
- daje prijedloge Skupštini za rješavanje određenih pitanja na osnovu poziva Skupštine.

Izuzetno, ukoliko se ukaže hitna potreba da gost učestvuje u radu i raspravi pred Skupštinom, Skupština može na sjednici odlučiti da mu se da riječ.

Član 116.

Sekretar Skupštine dužan je organizovati rad Službe Skupštine na način koji omogućava da se brzo i efikasno obrade svi zahtjevi koji su Skupštini upućeni po osnovu Zakona o slobodi pristupa informacijama u Federaciji Bosne i Hercegovine.

VI - AKTA SKUPŠTINE

Opće odredbe o aktima

Član 117.

Skupština donosi Ustav, zakone, budžet i izvještaj o izvršenju budžeta, prostorni plan Kantona, Poslovnik Skupštine, odluke i zaključke, deklaracije, rezolucije, preporuke i smjernice i daje autentična tumačenja zakona ili drugog akta.

Član 118.

Kad Skupština vrši izmjene ili dopune općih akata Skupštine, zakon mijenja ili dopunjuje zakonom, a ostale opće akte, osim zaključka, odlukom.

Zaključak se mijenja ili dopunjuje zaključkom.

Autentično tumačenje se ne može mijenjati ili dopunjavati.

Član 119.

Odluka je skupštinski akt koji se donosi radi izvršavanja ili konkretizacije Ustava, zakona ili drugih općih akata ili njihovih pojedinih dijelova.

Odlukom se odlučuje i o drugim pravima i obavezama Skupštine kada je to Ustavom, zakonom, drugim općim aktom ili ovim poslovníkom određeno.

Član 120.

Zaključkom Skupština odlučuje o svom radu i o radu radnih tijela Skupštine i Službe Skupštine.

Zaključkom Skupština može zauzeti stav o pitanju koje je razmatrala, uključujući utvrđivanje obaveza za Vladu i kantonalne organe uprave u pogledu pripreme zakona ili drugih propisa i općih akata ili vršenja drugih poslova iz njihovog djelokruga.

Radna tijela Skupštine donose zaključke iz svog domena rada.

Član 121.

Deklaracijom se izražava stav Skupštine o političkim pitanjima i drugim bitnim pitanjima od interesa za Kanton, Federaciju Bosne i Hercegovine ili Bosnu i Hercegovinu.

Član 122.

Rezolucijom se utvrđuje političko djelovanje u svim ili pojedinim oblastima iz djelokruga Skupštine.